

DANIAE REGNUM

Arctoi Orbis tertium.

Regio.
Situs.

Caeli temperies.

Soli fertilitas.

Animalium va-
rietas.Imperium mayo-
rum.

Fionia.

Zelandia.

Nomina.

Unde dicta Ze-
landia.

Situs.

Urbes.

Dania duobus tantum locis continenti juncta est; eam a plaga Mundi Occidua, Oceanus Germanicus, ab Ortu Solis Mare Balthicum lambit & littora pulsat, ad Septentrionem Norwegia & Suecia, ad Meridiem Holsatia, Megalopolis & Pomerania obtenduntur. Ea in creberrimas Insulas disjunctissimas distribuitur. Caeli temperies, una cum salubritate aeris Danos blande, ut Ioh. Coldingensis ver-
bis utar, refocillat. Terræ ubertas nutrit: Volucrum suavissimus concentus recreat; Silvarum Nemorumque varia materia oblectat: In quibus Porci innumerabiles oberrando, nunc glandibus quercinis, nunc fructibus faginis ad voluptatem saginantur. Multiformes simul atque Animalium species & florida prata delectant. Maris affluëtia & penu conferatissimū, Danos cum magna Europæ parte alit, & quo ad vitæ usum carere nequeunt, Natura Danis minime invidit. De Imperio autem Majorum scribit Munsterus: *Danum* quendam multis ante Christum sæculis in sua Dania regnum primum tenuisse, à quo, Regum Danicorum stemmata ceu quodam derivato principio, splendido successionis ordine profluxerunt. De hujus autem successoribus ac reliquis Dantiæ Regibus Munsterum vide fusissime differentem. Nunc Danorum omnis regio Maris faucibus intercepta constat multis partibus, quarum præcipuæ sunt *Jutia*, *Fionia*, *Zelandia* & *Scania*, præter Insulas singulis partibus adjacentes.

Jutia, quam nonnulli *Gethiam* appellari volunt, quoddam Cimbrorum sedes, apud Historicos & Geographos *Cimbrica Chersonesus* dicitur, & in *Jutiam Meridionalem* & *Septentrionalem* dividitur. Hujus Septentrionalis Jutiæ descriptionem vide secunda Tabula Dantiæ. *Meridionalis Jutia* olim dicta *Nordalbingia* inclytum Ducatum Slesvicensem complectitur, cui Holsatiæ Ducatus nunc quoque subjungi potest; horum ampliorem declarationem suo loco, videlicet tertia Tabula Dantiæ invenies.

Fionia particularior quoque descriptio sequitur, quarta Tabula Dantiæ comprehensa,

Zelandia quæ & *Sialandia* inter reliquas Dantiæ Insulas est maxima, *Codanonia* Melæ, ut censent Olivarius & Ortellius. Hanc alii *Zelandiam* quasi maris terrā, quod undique mari incincta sit: alii vero quasi seminis terram, eo quod sua sponte absque annua stercoreatione fegetum omnis generis ferax sit, dictam volunt. Longitudinem habet hæc Insula itineris bidui, atque latitudinem fere æqualem. Quindecim Civitatum, duodecim Arcium Regiarum capax est. Inter Civitates autem *Hafnia* sive *Copenhagen* est præcipua totius Dantiæ Metropolis, magnitudine, opulentia & maxima Portus commoditate insignis, quem & incredibilis profunditas & obiectus Insulæ quæ *Amaggen* vocant nautis tutissimū facit. Ex qua pascim Ecclesiis ceu perpetua seges Doctorū, atque eruditissimorum Pastorum tam in regno Dantiæ quam Norwegiæ subministratur atque sufficitur. Supra

Hafniam